



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 05-1-30-1-3436-15
Dana: 12.03.2024. godine

13-03-2024
LDO/LEG /A/0012040/24

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20), člana 70. Zakona o javnim nabavkama („Službeni glasnik Bosne i Hercegovine”, br. 39/14 i 59/22) i preporuke Komisije za provođenje postupka javne nabavke helikoptera, imenovane Rješenjem broj: 05-1-30-1-3436, od 05.07.2023. godine, u postupku javne nabavke helikoptera za potrebe Ministarstva unutrašnjih poslova Kantona Sarajevo, ministar unutrašnjih poslova Kantona Sarajevo, d o n o s i

ODLUKU

o izboru ponuđača i nabavci helikoptera za potrebe Ministarstva unutrašnjih poslova Kantona Sarajevo

I

Na osnovu Odluke o pokretanju postupka javne nabavke višenamjenskog helikoptera sa pratećom opremom broj: 01-11-4-5100, od 04.10.2023. godine i Obavještenja o nabavci broj: 1364-1-1-54-3-61/23, od 05.10.2023. godine na portalu Agencije za javne nabavke objavljen je postupak nabavke helikoptera za potrebe Ministarstva unutrašnjih poslova Kantona Sarajevo, putem otvorenog postupka sa međunarodnom objavom.

II

Shodno Zakonu o javnim nabavkama, primjenjujući kriterij "**najniža cijena**", kao najpovoljniji u postupku javne nabavke helikoptera za potrebe Ministarstva unutrašnjih poslova Kantona Sarajevo, izabran je ponuđač, kako slijedi:

- **SHOT d.o.o ZENICA, ulica Zmajevačka cesta broj 55 c, Zenica, u iznosu od 30.340.000,00 KM (tridesetmilionatristotinečetresthiljadakonvertibilnihmaraka), ne uključujući porez na dodanu vrijednost (PDV).**

III

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

IV

Ova odluka stupa na snagu danom donošenja.



Obrazloženje

Na osnovu Odluke o pokretanju postupka javne nabavke višenamjenskog helikoptera sa pratećom opremom broj: 01-11-4-5100, od 04.10.2023. godine i Obavještenja o nabavci broj: 1364-1-1-54-3-61/23, od 05.10.2023. godine na portalu Agencije za javne nabavke objavljen je postupak javne nabavke helikoptera za potrebe Ministarstva unutrašnjih poslova Kantona Sarajevo, putem otvorenog postupka sa međunarodnom objavom.

U postupku nabavke od strane ponuđača LEONARDO SPA ITALY, 07.11.2023. godine u 14:52 časova postavljeno je trinaest (13) pitanja na koje je Komisija za nabavku helikoptera uredno odgovorila unutar zakonskog roka od tri dana.

U skladu sa gore navedenim Obavještenjem o nabavci, Komisija za javne nabavke Ministarstva je izvršila javno otvaranje prispjelih ponuda, dana 20.11.2023. godine, sa početkom u 14:00 sati, u prostorijama Sjedišta Ministarstva unutrašnjih poslova Kantona Sarajevo.

Zapisnici sa otvaranja ponude preuzeti su od strane oba ponuđača istog dana, jer su oba ovlaštena predstavnika ponuđača prisustvovala izravno otvaranju ponuda.

U zakonskom roku pristigle su dvije ponude, kako slijedi:

R.B.	Datum prijema	Vrijeme prijema	Ponuđač
1.	20.11.2023.	08:03	SHOT d.o.o ZENICA
2.	20.11.2023.	10:47	LEONARDO. S.P.A. ITALIJA

Iz navedene tabele je vidljivo da su prispjele ponude blagovremene jer je prema Obavještenju o nabavci krajnji rok za dostavu ponuda bio 20.11.2023. godine do 12:00 sati.

Dostavljene ponude imaju sljedeće vrijednosti:

PONUĐAČ	Iznos ponude bez PDV-a (KM)	Popust (KM)	Iznos ponude sa PDV-om (KM) sa popustom
SHOT d.o.o ZENICA	30.340.000,00	0,00	35.497.800,00
LEONARDO. S.P.A. ITALIJA	30.217.573,50	0,00	35.354.561,00

Komisija je pristupila provjeri kvalifikacija ponuđača u skladu sa minimalnim zahtjevanim kvalifikacionim uslovima koje ponuđač treba da ispunjava.

Ovom fazom evaluacije provjerava se ispunjenost zahtjeva traženih Tenderskom Dokumentacijom koji su preduslov za pristupanje ocjeni ponuda, i to:

NAZIVI PONUĐAČA	SHOT d.o.o ZENICA	LEONARDO. S.P.A. ITALIJA
Zahtjevana dokumentacija		
Izjava po članu 45. Zakona	DA Ovjerena fco sa dokazima	DA Bez dokaza
Izjava po članu 46. Zakona	DA	DA



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

	Aktuelni izvod	Aktuelni izvod
Izjava po članu 47. Zakona	DA potvrda banke o solventnosti	DA potvrda banke o solventnosti
Izjava po članu 49. Zakona	<p>DA</p> <p>- IZJAVA da će za proizvođača u skladu sa zahtjevima iz TD proizvesti predmet nabavke</p> <p>- IZJAVA da je sposoban pružiti servisnu podršku za predmetnu robu u garantnom roku</p> <p>- IZJAVA ponuđača za garantni i post garantni rok na pomoćnu opremu</p> <p>- IZJAVA garantni i post garantnom periodu za sve djelove, komponente u 36 mjeseci ili 1000 letnih sati</p> <p>- katalog sa prevodom na jedan od službenih jezika u BiH</p> <p>- certifikat EASA</p> <p>- IZJAVA dostupnost rezervnih djelova u narednih 10 godina</p> <p>N A P O M E N A: (SVE Izjave uredno ovjerene i potpisane od strane ovlaštenog lica) DA</p>	<p>DA</p> <p>- IZJAVA da će za proizvođača u skladu sa zahtjevima iz TD proizvesti predmet nabavke</p> <p>- IZJAVA da je sposoban pružiti servisnu podršku za predmetnu robu u garantnom roku</p> <p>- IZJAVA ponuđača za garantni i post garantni rok na pomoćnu opremu</p> <p>- IZJAVA garantni i post garantnom periodu za sve djelove, komponente u 36 mjeseci ili 1000 letnih sati</p> <p>- katalog sa prevodom na jedan od službenih jezika u BiH</p> <p>- certifikat ENAC</p> <p>- certifikat EASA</p> <p>- IZJAVA dostupnost rezervnih djelova u narednih 10 godina</p> <p>N A P O M E N A: (NIJEDNA Izjava nije ovjerena i potpisana od strane ovlaštenog lica) NE</p>
Izjava po članu 52. Zakona	DA	DA
Izjava da nije grupa ponuđača (Aneks VII)	DA	DA
Aneks VIII	Garancija za	Garancija za ozbiljnost



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

	ozbiljnost ponude- DA Garancija za uredno izvršenje od 10% - će biti dostavljeno u skladu sa TD Izjava Avansna garancija od 1,5% (455.128,20)- DA	ponude- DA Garancija za uredno izvršenje od 10% - će biti dostavljeno u skladu sa TD Izjava Avansna garancija od 1,5% (455.128,20)- DA
Aneks IX	DA Dostavljeno za predstavnika ponuđača	DA Dostavljeno za predstavnika ponuđača
Aneks X	Potpisan i ovjeren nacrt Ugovora - DA	Potpisan i ovjeren nacrt Ugovora - PONUĐAČ NIJE UNIO osnovne elemente ugovora čl. 2. i 4. - ugovor potpisan od strane ponuđača, ali nije ovjeren)
Aneks 11.	DA Nema povjerljive informacije	DA Nema povjerljive informacije

Komisija je izvršila kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata i konstatovano je, kako slijedi

1. SHOT d.o.o ZENICA, ulica Zmajevačka cesta broj 55 c, Zenica

Komisija za nabavku primljenu ponudu je **okvalifikovala kao formalno-pravno ispravnu i prihvatljivu.**

2. LEONARDO. S.P.A. ITALIJA, Piazza Monte Grappa broj 4, Rome, Italy

- Članom 58. (Sadržaj ponude) stav (2) Zakona o javnim nabavkama propisano je: „**Ponuda mora biti čvrsto uvezana i sve strane ponude numerisane (izuzev dokaza o garanciji iz stava (1) tačka b) ovog člana, te štampane literature, brošura, kataloga i sl.)**“.

Tačkom 14. (Način dostavljanja ponuda) predmetne tenderske dokumentacije navedeno je: „**Ponuda se izrađuje na način da čini cjelinu. Ako zbog obima ili drugih objektivnih okolnosti ponuda ne može biti izrađena na način da čini cjelinu, onda se izrađuje u dva ili više dijelova.**“



Ponuda se čvrsto uvezuje (ukoričena u knjigu ili uvezana jamstvenikom) na način da se onemogućí naknadno vađenje ili umetanje listova.....“.

Ponudač LEONARDO. S.P.A. ITALIJA nije uredno uvezao i obezbijedio tendersku dokumentaciju, a što se izričito tražilo predmetnom tenderskom dokumentacijom.

- Nijedna od izjava iz člana 49. Zakona (Tehnička i profesionalna sposobnost u postupku nabavke robe) predmetne tenderske dokumentacije nije ovjerena i potpisana od strane ponuđača LEONARDO. S.P.A. ITALIJA
- Ponudač LEONARDO. S.P.A. ITALIJA nije ispunio Osnovne elemente ugovora, koji se tiču člana 2. (Cijena) i člana 4. (Način plaćanja) ugovora, dok je predmetni ugovor samo potpisan, a nije ovjeren pečatom ponuđača, a što se sve izričito tražilo Aneksom X (Osnovni elementi ugovora) tenderske dokumentacije

Stoga je Komisija za nabavku primljenu ponudu ponuđača **LEONARDO. S.P.A. ITALIJA okvalifikovala kao formalno-pravno neispravnu.**

Kako je u procesu odabira ponuđača dostavljena samo jedna formalno-pravno ispravna i prihvatljiva ponuda, to se, u skladu sa zakonskim propisima, nisu stekli uslovi za zakazivanje E-aukcije.

Ponuđač „Leonardo“ S.p.a. Italija, putem advokatske kancelarije Milošević, blagovremeno je uložio žalbu na Odluku o izboru ponuđača i nabavci helikoptera za potrebe Ministarstva unutrašnjih poslova Kantona Sarajevo, broj: 05-1-30-1-3436-13, od 30.11.2023. godine.

Ugovorni organ je Uredu za razmatranje žalbi dostavio Izjašnjenje po žalbi broj: 01-11-4-5100, od 21.12.2023. godine, sa kompletnom dokumentacijom u vezi sa postupkom protiv kojeg je izjavljena žalba.


Rješenjem Ureda za razmatranje žalbi broj: JN-2-01-07-1-3793-7/23, od 15.02.2024. godine usvojena je žalba ponuđača „Leonardo“ S.p.a. Italija, poništena je Odluka o izboru najpovoljnijeg ponuđača broj: 05-1-30-1-3436-13, od 30.11.2023. godine pa je predmet vraćen ugovornom organu na ponovni postupak.

Rješenjem Ureda, između ostalog, navedeno je kako slijedi:

„ Zaključujući sve prednje izneseno, potrebno je naglasiti da je žalitelj prilikom pripreme ponude napravio niz propusta zbog kojih je ugovorni organ pravilno postupio kada je istu ocijenio neprihvatljivom. Članom 68. stav 3 Zakona o javnim nabavkama propisano je da „Ugovorni organ može pozvati kandidate/ponuđače da u roku od tri dana pojasne dokumente koje su dostavili u skladu sa čl. 45.do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostataka dokumenta“. Žalitelj pogrešno upućuje na odredbu navedenog člana iz razloga što se u ponudi istog radi o propustima takve prirode (a koje je ovaj organ prethodno obrazložio), koji se ne mogu podvesti pod predmetnu odredbu, a sve iz razloga jer činjenica da ponuda nije čvrsto uvezana je vidljiva kako za ugovorni organ, tako i za ovaj organ, te istu nije potrebno objašnjavati“

U istom rješenju dalje se navodi, kako slijedi:

„Iz prednje citiranih odredbi tenderske dokumentacije proizilazi da su ponuđači bili dužni dostaviti validno odobrenje organizacije za dizajn i proizvodnju helikoptera (tipski certifikat EASA-e) za osnovni tip i model helikoptera i izjavu da će u trenutku isporuke helikoptera postojati Tipski



certifikat koji obuhvata varijantu helikoptera koja je predmet isporuke. Izabrani ponuđač SHOT d.o.o. Zenica je u svojoj ponudi u koloni tačan tip, model i verziju helikoptera upisao BELL 412EPX, i dostavio EASA Certifikat koji se odnosi na modele: 212,412,412EP i izjavu da će u trenutku isporuke helikoptera postojati tipski certifikat EASA koji obuhvata varijantu helikoptera koja je predmet isporuke.

Kako je Rješenjem Ureda za razmatranje žalbi predmet vraćen ugovornom organu na ponovni postupak, to se Komisija za nabavku sastala dana 07.03.2024. godine, kako bi se postupak nabavke nastavio.

Komisija najprije konstatuje da je Ured za razmatranje žalbi u potpunosti, bez ikakve dvojbe, potvrdio pravilno ponašanje ugovornog organa, kada je ponudu ponuđača „Leonardo“ S.p.a. Italija ocijenio naprihvatljivom.

Nadalje, iz tenderske dokumentacije vidljivo je da su ponuđači bili dužni dostaviti validno odobrenje organizacije za dizajn i proizvodnju helikoptera (tipski certifikat EASA-e) za osnovni tip i model helikoptera i izjavu da će u trenutku isporuke helikoptera postojati Tipski certifikat koji obuhvata varijantu helikoptera koja je predmet isporuke.

Komisija konstatuje da je ponuđač SHOT d.o.o. Zenica u svojoj ponudi u koloni tačan tip, model i varijantu helikoptera upisao BELL 412EPX (BELL412-tačan tip helikoptera, oznaka EP-tačan model helikoptera i oznaka X- tačna varijanta helikoptera), i dostavio EASA Certifikat koji se odnosi tip 212/412, za modele: 212,412,412EP čime je ispunio zahtjev iz tenderske dokumentacije na strani 8, tačka F gdje je tražen dokaz validno odobrenje organizacije za dizajn i proizvodnju helikoptera- tipski certifikat EASA. Također, ponuđač je dostavio i izjavu da će u trenutku isporuke helikoptera postojati tipski certifikat EASA koji obuhvata varijantu helikoptera koja je predmet isporuke (BELL 412 EPX), a što je traženo tenderskom dokumentacijom na strani 23 gdje je traženo da novoprodukcioni helikopter ima EASA certifikat za proizvedenu varijantu helikoptera, a koja je predmet ponude, a što konstatuje i Ured u svom Rješenju (stranica 166 ponude ponuđača „SHOT“ d.o.o. Zenica, a sve u skladu sa tačkom A.1.a1 Tehničke specifikacije predmetne tenderske dokumentacije).

Stoga Izjavu ponuđača „SHOT“ Komisija smatra urednom i nespornom, sačinjenu i ispunjenu upravo onako kako se to i tražilo predmetnom tenderskom dokumentacijom.

Dostavljeni traženi tipski certifikat EASA za ranije proizvedene tipove oznake BELL i navedene modele (412,412EP) izdaje se za već proizvedene modele i varijante i uveliko je prisutan na tržištu Evrope, jer je prisutan i veliki broj letjelica ovog tipa.

Komisija smatra da nema nijednog dokazivog razloga i činjenica da certifikat za novoprodukcioni letjelicu Bell 412 EPX ne bude uredno izdat, jer je riječ o višedecenijskoj praksi kada je riječ o varijantama modela letjelica.

Nositelj tipskog certifikata za modele 412,412 EP je Bell Textron Inc. Texas, SAD. Stoga se podrazumjeva da će za svaki budući proizvedeni model i varijantu letjelice biti obezbijeden i odgovarajući tipski EASA certifikat koji obuhvata varijantu helikoptera koja je predmet isporuke.

Shodno utvrđenom činjeničnom stanju i kriteriju za dodjelu ugovora „**najniža cijena**“, a u skladu sa članom 70. Zakona o javnim nabavkama, Komisija za javnu nabavku helikoptera jednoglasno daje preporuku ministru Ministarstva unutrašnjih poslova Kantona Sarajevo da u



postupku nabavke višenamjenskog helikoptera sa pratećom opremom, donese odluku o dodjeli ugovora slijedećem ponuđaču:

- **SHOT d.o.o ZENICA, ulica Zmajevačka cesta broj 55 c, Zenica, u iznosu od 30.340.000,00 KM (tridesetmilionatristotinečetredesethiljadakonvertibilnihmaraka), ne uključujući porez na dodanu vrijednost (PDV).**

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od deset dana od dana prijema Odluke o izboru, a u skladu sa članom 99. i 101. Zakona o javnim nabavkama.



Dostaviti:

1. Ponuđačima (x2)
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. A/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

